





勅諭錄目錄

上卷

賜五經四書

掌都察院賜金帶銀帛給三代誥命

不妨閣務照舊掌院鈐束各道振肅臺綱


賜銀圖書諭密疏言事

嘉獎禁革二疏風勵有位

賜玉帶

賜建貞義書院敬一亭座

勅諭錄目錄





東坡先生集卷之九  
一 東坡先生集  
荅謝書院額名

賜忠靜冠服

獎圖註冠服賜金幣蟒衣

奉 慈訓事宜賴贊翊特賜衣裳

念侍講筵勤勞賜麟服

會同更正袞冕之制

慰妻故暫准給假

已朝見便入閣辦事

再賜銀圖書

勞圖註親征武服用酬白金文綺

賜大學衍義

議 郊 廟諸典禮殫勞賜玉帶

大報禮樂重器幸賴贊成

考滿特褒

復陳謝更名

榮恩堂成賜 皇考手書扁額銀印彩帛

大書名與字四幅諭對奏用新印

聞至甚悅先赴閣後面見



三賜銀圖書

賜建寶綸樓

差官送歸歲給官廩與隸有司特加存問

一召

二召 二道

三召

四召 二道

下卷

總司風紀管轄十三道上貞王度下糾官

邪款開切要事宜

總裁大明會典

知建造 園丘 方丘 朝日 夕月壇

總裁祀儀成典

照舊侍立陞上座東

總督 神祇二壇

皇太后酬勞白金彩繒誥諭



勅諭錄卷上

尚書兼太子太師吏部尚書華蓋殿學士臣張孚敬謹錄

皇帝勅諭兵部左侍郎兼翰林院學士張孚敬  
朕惟人臣之義固在盡忠以事君然必讀書  
而知禮蓋不讀書則禮有未達不達於禮則  
安能開陳善道以致君於無過之地哉爾自  
名用以來每有奏議輒能執禮據經以正道  
告朕所補益甚多朕心嘉悅但念爾所考典  
籍皆書肆刊印恐刻錄不精或訛謬相襲用



之考據難保無誤今將內府官本五經四書  
各賜一部爾其益究心古典贊我典禮匡其  
不及庶於政治益大有補焉爾其欽承之故  
諭

嘉靖六年七月初二日

皇帝勅諭署掌都察院事兵部左侍郎兼翰林  
院學士張孚敬

朕聞人臣之道惟盡忠以事君竭誠以報上  
斯可以佐朝廷而臻治理行善道以澤斯民

爾孚敬性質明敏志行忠誠持正事君奉公  
輔國比者贊成大禮克盡心力昨又體朕愛  
人之心究明奸構大獄推此公勤厥爾當首  
其勞甚焉厥功著矣是可以感名和氣祛除  
民殃匪只朕心嘉悅而實庶姓交歡凡我黎  
首孰不曰吾君得此良臣將成熙皞以流福  
於我若不錫賚以昭爾忠誠何由見朝廷禮  
賢之意今特賜勅獎諭錫以二品服色兼金  
帶銀帛并令吏部查給應得三代誥命嗚呼



君臣相遇已見傳說輔高宗之誠明良所逢  
朕未能如高宗副傳說之望但惟賞功罰罪  
盡奉 天命德討罪之心勸善鋤惡示念民  
懷善怨惡之意爾可勉承朕諭祇受厥命勿  
得遜避固辭負我報忠之典欽哉故諭

嘉靖六年九月十二日

勅禮部尚書兼文淵閣大學士張孚敬

朕惟都察院總司風紀上貞王度下糾官邪  
責任至重而其綱領尤係掌院之官比年掌

院非人屬僚不知警畏任情玩法貽患四方  
近日命卿署掌院事兩月有餘進用才賢汰  
黜不職剔奸革弊庶政肅清斯不愧

祖宗設官之意而朕之委任亦無所負矣卿昨  
者具疏欲辭免署印恐誤纂修況已簡登內  
閣當允所請復念天下之事振舉實難而隙  
廢則易今臺長已簡命左都御史胡世寧素  
有風望諒能相繼但未知何日到任誠恐卿  
既解任人心玩慢舊弊復作特勅卿不妨內



閣纂修暫且照舊掌管本院印信鈐束各道  
振肅臺綱又命兵部右侍郎周倫暫且佐理  
該院雜行事務并承旨奏事俱着周倫代行  
待胡世寧至日交代各供原職卿既受命為  
輔導重臣臺察事務若非可勞卿者卿之言  
曰君事無擇臣職有專卿為國任事之心必  
無所擇而代言輔德之任行且專矣其無憚  
勞以副朕託欽哉故勅

嘉靖六年十月初六日

勅諭內閣輔臣張孚敬

朕思朝廷政事體類甚多其有緊關重事必  
須謀及左右信臣以匡不逮今除軍國重務  
文移朕與卿等共理外或有封對文書必須  
驗封識以防出入今以銀圖書二枚凡有講  
學政事問於卿者以忠良貞一印封若或朝  
政有差忠言未納用舍倒置諸凡利於小民  
關於朕德及政事之缺者以繩愆弼違印封  
皆以密疏來聞庶得徵驗其真亦朕免於過



差矣卿其欽承

嘉靖六年十月十五日

勅禮部尚書兼文淵閣大學士張孚敬

朕惟人君代天理物庶官所治莫非天事

大臣又庶官之表率也大臣得人則天工不曠人君之治有所托矣故曰君得臣而萬化行朕嗣承大統日有孜孜圖惟治理仰遵

祖宗舊制以政事付之大臣夫為大臣者要在正己以格物謹身以率下奈何前此受重任

者多不能竭忠宣力以供乃職甚則惟貨利是殖惟家計是營已既不正安能正人昨得卿二奏一則欲禁門戶杜請謁自飭厥躬以先庶僚一則欲革貪風禁科取奉宣君德以恤民隱又恐家人子弟有不率教令欲命有司防制尤見修身以教於家之意且引宋范質戒子姪詩為言顧卿乃儒者范質何足比論而其小心抑畏之誠益可見矣使大臣皆若此百僚何患不肅國事何憂不理朕深嘉



東坡先生集卷之二  
之特賜勅旌獎以風勵有位使之感發興起  
卿其益加砥礪夙夜匪懈終始不渝凡有嘉  
謨嘉猷悉以入告無負朕繩愆弼違之諭以  
弼成嘉靖之治惟卿之休豈不永有終譽哉  
卿其祗承之故勅

嘉靖六年十一月初三日

勅諭張少保

昨見卿所服朝帶不甚瑩潔今以一條賜卿  
可收用只具疏回奏免謝恩

嘉靖七年三月初四日

勅諭張少保

卿所奏足見篤學以勉後來之意書院名與  
做貞義堂名更做抱忠仍著彼處有司就其  
書院中蓋敬一亭一座以置朕之五箴抱忠  
堂門等處或有損壞亦與修葺完日具奏該  
部知道書院集錄朕留覽

嘉靖七年三月初五日

勅諭張少保



卿當時學首博識多聞以勤勵克篤其初而又加敬慎以飭其身力輔朕躬盡心職務專以王道匡朕兢慄自持又慮後學恐廢特以堂院名額為請朕親撰以賜於卿才德學行未足以盡褒示覽所陳謝具見勤誠之意

嘉靖七年三月初八日

勅諭輔臣少保張孚敬

茲者玄端冠服有成卜吉朕告聞

祖考佩之於身及下禮部頒行忠靜冠服今以

一副賜卿服用庶幾上下同心君臣一德以化於天下俾歸道義之中豈不美哉故諭

嘉靖七年三月二十七日

皇帝勅諭少保禮部尚書兼文淵閣大學士張孚敬

朕惟人君自臨朝聽政至凡起居動靜無所不當謹其冠服自祭祀朝享至於燕閒莫不有成式焉故先儒有言慎其起居正其衣冠亦此之謂也朕每思閒居所御冠服未奉有



祖宗成憲雜乎俗制心恒歎焉故去年冬因與  
卿論及特命考索古昔帝王燕居之時冠何  
冠衣何衣惟卿以淵源之學通博之才應對  
如流無所凝滯遂不日之間圖註以聞質諸  
古而有合用之今而可常乃命所司如法成  
造已完謹告于我 皇祖列聖神位前暨我  
皇考幸蒙 垂鑒朕已冠其燕弁衣之玄端永  
垂典則昭示無極既而復諮以君臣一道上  
下通情又得卿圖註忠靜冠服來聞除已給

賜輔臣及下禮部通行外朕念卿勞以金幣  
蟒衣之物錫卿兼賜勅以獎卿其承朕意嗚  
呼出入無間斯建中和之極顯微一致必持  
敬一之訓朕製此冠服非徒觀美用將自警  
自省以作範後人兼欲同德同心庶達之天  
下彼匪人曲士或有不知朕與卿者亦不足  
較知我君臣之心惟 天地 祖考焉欽哉  
念哉故諭

嘉靖七年三月二十七日



勅諭輔臣張孚敬

昨者朕以奉 慈訓事宜與卿考議得奏陳  
其所以朕如卿擬以告 慈聖幸蒙

忻悅皆卿之力也夫朕本不知賴卿贊翊以成  
朕順 親之誠特以衣一襲兼勅告賜以荅  
卿忠勤至意卿其承之

嘉靖七年九月初七日

勅諭內閣輔臣張孚敬

茲冬寒時例當輟講但因洪範未終特命專  
官進講庶使首尾相續貫穿通暢使朕有所  
得領今幸終其篇朕念講官進講比之往歲  
多勞已各以差加恩外茲念卿等日逐贊理  
幾務又侍講筵多效勤勞今以麟服三襲以  
賜卿其承之

嘉靖七年十一月二十六日

勅內閣

朕惟齋明盛服以供祭祀夫祭祀國之重典  
而祭服乃章之重焉今衮冕之服祭服也被



之以祀 天享 祖其所關者豈小小哉且  
聞衮冕之制玄衣黃裳所以象天地之正色  
也衣六章曰日月星辰山龍華蟲裳六章曰  
宗彝虎雉藻火粉米黼黻各有取義此乃古  
今弗易之制也亦我 聖祖之制奈何司造  
之官因諳典制遂失其真因與少傅大學士  
張孚敬論及已具有圖註茲特勅卿等可將  
圖註會同禮部翰林院參以禮科詳議可否  
具奏更正夫茲舉也實出朕意非孚敬之獻  
勅 卿等有問其臣不敢不以正對如有真識高  
見當坐劄于予一人勿得乘是而毀我忠良  
卿等悉心具對若見有不同者各具以聞故  
勅

嘉靖八年四月初七日

皇帝慰諭大學士張孚敬

適聞卿妻疾故朕已允所請給假經理喪事  
蓋以卿方哀痛之際未忍責之大義朕復思  
之喪儀之重不免親理其綱如餘者自當令



子主行卿內閣重臣朕所重託弗宜久事在家如其就殮數日之後即當出供乃職遇有事之日暫准免入閣辦事勿負朕託特茲慰諭卿宜承之

嘉靖八年四月十一日

勅內閣輔臣張孚敬

茲閣中急缺官辦事卿已朝見訖便入閣辦事故勅

嘉靖八年九月初五日

勅諭內閣輔臣張孚敬

朕先賜卿銀記密疏言事近以回繳今命卿復任辦事茲仍賜與嘉猷謹論宜即以聞一如前所諭命行故諭

嘉靖八年九月初六日

皇帝勅諭少傅兼太子太傅吏部尚書謹身殿大學士張孚敬

朕惟居安不可忘危文修而必武備斯萬世不易之法也朕昨因覽會典有載天子親征



服武弁奉 祭之文乃命卿考其制宜卿乃  
博稽古制圖註來聞朕令所司如式製造用  
備我 聖祖之制茲已訖工夫一代之制既  
備庶可傳之永世今雖無事乎此亦有備無  
患安不忘危之意也卿為朕稽求今喜成製  
以白金數兩文綺表裏四副用酬其勞毋其  
承之故諭

嘉靖八年十二月二十五日

勅諭張少傅

朕近以宋儒真德秀所著大學衍義重新刻  
印頒賜卿等朕昨作一印記文曰格致誠正  
之方修齊治平之道逐卷之首一用之以識  
其書之所以教人也茲特以一部賜卿輔贊  
政機之暇可以翻閱朕有向學之志力不能  
克卿當以是書及二典三謨之書朝夕陳之  
庶朕或少知一二為君之道不負  
天命此朕賜書之意也卿其欽承之

嘉靖九年三月二十四日



勅諭元輔李敬

近來卿奉命會議 郊 廟諸典禮每殫思竭誠以贊朕念卿勞特以玉帶一賜卿其欽承之

嘉靖九年十月初八日

勅諭內閣張元輔

大報在邇其禮樂重器幸悉告成凡此等規制物件稽諸先王法之 祖制皆賴卿贊成庶已稱朕法 祖事 天之誠覽卿陳謝朕已

具悉尚賴益盡忠誠匡朕不逮故諭

嘉靖九年十月十六日

勅輔臣少傅張孚敬

昨吏部以卿一考已週聞朕既命仍任及隨例賜勞外朕惟卿雖方滿三年而功則倍委身佐朕未之少懈茲以數字褒慰卿宜益勵將來成朕君臣之遇豈不美哉故勅

嘉靖十年二月十四日

勅諭張少傅



昨卿再以更名謝夫卿以初名與朕名音同  
為請改夫卿為名之時未仕也似不可更改  
既而又請朕以卿素存忠敬無刻忘之不可  
拒拂特准更之一字名之未盡卿之忠敬故  
為雙名庶見朕意耳豈能盡其忠敬之誠至  
哉併茲諭復

嘉靖十年二月二十九日

勅諭張少傅

日前聞卿自為堂房一名曰榮恩夫所謂榮

得君恩也朕思

皇考嘗手書斯三字朕恭裝軸并卿欲朕大書  
名與字者朕惟書有端楷健正之體乃可貴  
之朕素有志作字至今猶未成卿每尊譽實  
自忠敬爾待朕學書另行茲併銀印一枚  
曰永嘉張及彩帛等物以賜以為吾君臣相  
茂恭印慶之意庶見朕意云耳

嘉靖十年三月初三日

勅諭元輔張少傅



前者卿欲朕大書名與字昨乘興書得四幅  
但筆力止此而已併封去又朕有命卿凡有  
對奏當用新印卿以為君前未有臣稱字者  
朕惟此不同他諸君所賜便是君命且朕止  
令對奏用上奏仍以原記即此意耳朕知卿  
必曰君前不可用字故如前命之而猶以為  
不可足見祇敬之至宜如朕命可也

嘉靖十年三月二十日

勅諭張元輔

朕聞卿孚敬至甚悅但二日未視事見卿蓋  
以文華致齋衣厚恐空房寒不意甚熱以致  
目為熱故小有觸須三四日方可別無他故  
卿可先赴閣任事待後面見即以其諭示同  
官知故勅

嘉靖十二年四月初三日

勅元輔張孚敬

朕惟古大臣之事君也其凡嘉謀正諭面陳  
之有未盡必書而告者今咸以為不然曰後



世之始有文劄且有謂為告密者是以凡貞  
人之道悉而其君深處莫獲聞四方之事矣  
朕三復以銀記付卿者意在茲卿其益勵初  
心勿或畏忌小人凡有政事得失闕否俱披  
瀝以告朕斯不負朕望焉故勅

嘉靖十二年四月十三日

勅諭張元輔

覽奏具見卿尊敬君言之至者名與做寶綸  
夫王言謂如絲如綸之意乃可稱尊敬之耳

照例製扁給去工部差官督造

嘉靖十三年十月初七日

皇帝勅諭少師兼太子太師吏部尚書華蓋殿  
大學士張孚敬

朕惟君臣相遇自古為難而始終克全恩禮  
無替則尤不易也卿以宿學起登甲科方朕  
繼統之初典禮未定聚訟紛紜卿獨奮然抗  
論剖析羣疑百折必東贊成孝治朕心簡在  
屢進華階卿乃隨事納忠克殫厥力是用擢



居家勿特加倚毗卿益感激知遇義切匪躬  
剛直不阿果毅能斷衆理萬機朕嘉賴焉方  
圖共政永底治平而卿乃嬰疾累疏乞休朕  
惓惓諭留命醫調治又手製藥劑以冀速痊  
卿辭請益切察其志益有不獲已者故茲允  
俞特命行人齎勅送還鄉上月給官廩八石  
歲撥輿隸八名仍諭有司特加存問用表朕  
優禮至懷於戲幼學壯行進禮退義極儒臣  
之懋寵繼明哲之休風顧瞻斯世鮮或並之  
嘉靖十四年四月初九日

四名勅諭

一名

皇帝勅諭少傅兼太子太傅吏部尚書謹身殿  
大學士張孚敬

卿以通博之才貞一之學首建正議贊朕冲  
人以成大禮擢卿輔弼之任裨益良多近因



人言乃有旨著還籍實朕俾保全之意今輔導缺人贊理機務茲命行人周禕齋勅往取復任辦事勅至卿宜疾速返途上緊前來勿得推延辭避匪止誤事且違朕勅負朕意卿其欽承故勅

嘉靖八年八月二十五日

二召

勅致任少傅兼太子太傅吏部尚書謹身殿大學士張孚敬

朕以內閣缺人贊理機務茲特命行人周文燭齋勅往取卿復任辦事勅至卿可即馳驛上緊前來供職勿得遲延有負朕意卿其欽承故勅

嘉靖十年十二月二十六日

勅與少傅張孚敬

朕聞君臣相與自昔為難卿以赤誠輔朕朕亦以腹心是託不意一時被惑自陷於過舉朕不敢私特令卿致仕以避人言自卿去後



切軫朕思 聖母嗟問者亦數次矣夫人誰  
無過矧臣子於君父義法俱在茲以萬機事  
重輔贊乏人朕勿類必得卿終始以佐之而  
後可今遣行人周文燭齋勅往起文燭至日  
卿即兼程星夜而進急復任事庶慰我

聖母至懷以副朕思託之至如忌而疑之恐非  
事君之道卿宜早來以匡朕治以符信備驗  
朕宁俟卿來故茲催勅卿其承之慎勿自負  
嘉靖十年十二月二十六日

三名

勅原任輔臣張孚敬

朕惟君臣相得自古為難惟卿也自中甲第  
即奮志於忠不以身為顧繼是歷居數任持  
一不回匡主愛君未或少懈前者小人構為  
陷阱平地捏誣朕即令卿回已昨又自不審  
慎幾微又命卿回已適來星異衆疑之曰信  
哉君不明也使之去而復來致變甚其速也  
朕亦應之曰孚敬適到此異又見試且令自



陳吁朕意卿却不會又云云數語朕亦未放  
過三命回已夫朕所以用卿去卿其意不待  
自述後世以下明賢君子必不我私自  
有公論但卿何其自誤哉今自卿歸星芒未見速  
退應歟否歟他不必費筆札矣今朕三召卿  
復任特令鴻臚寺左少卿陳璋齋勅起取卿  
若能識朕意則作速前來期使功名不自昧  
用全君臣之道卿若不能此者則暫來作賀  
朕得嗣之喜不為害亦或慰朕思卿之至懷

惟卿思之圖之故勅

嘉靖十二年正月十三日

四召

勅諭致仕少師兼太子太師吏部尚書華蓋殿  
大學士張孚敬

卿以內閣元輔朕所倚毗頃因有疾懇乞歸  
休朕察卿有不獲已之情乃用俞允送卿還  
鄉茲得卿來疏奏問并賀省覽之餘具悉忠  
愛特遣錦衣衛副千戶劉昂齋勅往視卿疾



如既愈即便來京勿負朕望果未除則當善  
自保攝用副朕眷思之懷欽哉故諭

嘉靖十五年六月初六日

手勅舊元輔張少師

卿比以疾乞還久切朕思昨得奏賀朕躬平  
吉 聖母康泰及擇原選淑女內曰曹王二  
氏朕御而各有喜期將近已先冊封為端昭  
二嬪并河南李氏京選王氏補為敬靜二嬪  
又朕於春三月躬行謁 陵禮奉 慈車率

后妃禮成後又于四月之吉命工恭飭新

七陵增造等項朕自作幽宮于 長陵左之陽

翠嶺即十八道改小山一名平臺山以尊

皇祖太宗嘗御之地前次并往金山拜

皇高祖妣章皇后 皇曾叔祖景皇帝二陵奉

聖母舟回京今朕命使昂往視卿于家鄉如果  
疾未痊便不煩以見如稍可即星夜以行急  
來見朕副切思情勿自負自棄以致朕懷于  
無已卿其承之



東華實錄卷之十一  
勅諭錄卷之十一  
丙申夏至後旬日

勅諭錄卷上終

勅諭錄卷下

少師兼太子太師吏部尚書華蓋殿大學士臣張孚敬謹錄

皇帝勅諭都察院

朕惟我祖宗設立都察院總司風紀管轄十三道監察御史上貞王度下糾官邪是為耳目之司責任至重差出巡按一方吏治之臧否軍民之休戚繫焉近年為御史公明廉重者固有偏私浮薄者不無論事不知大體責人不究虛實望風捕影徃徃失真一倡眾



和期於必勝賢否淆混人難執持巡按在外  
又多不能正已律下惟知以聲勢加人激揚  
官屬則以喜怒而為取舍鞫問刑獄則任已  
情以為出入民寃載路不能伸理吏弊滿前  
不能糾正如山西馬錄惑於朋言欲陷一家  
無罪之人於死地勘官轉相附會釀成大獄  
法司明知其故不敢平反一省如此他處可  
知傷和致災實由於此近日命部院考察黜  
退及緣事獲罪廢斥者多其間漏網固不能

無朕以治去太甚人貴自新已從寬不究然  
當此更化善治之日宜為改絃易轍之圖先  
儒之言曰人臣以忠信善道事其君又曰立  
朝以忠厚正直為本爾張孚敬今署掌院事  
宜宣揚朕志昭示各官自今伊始痛自懲創  
勉圖修改事君以不欺為主律下以正已為  
先論事必明大體而畧細故論人必扶君子  
而抑小人鞫獄惟平惟允勿陷五過之疵當  
官惟慎惟勤勿忘三事之訓勿矯伉以要名



勿偏私以玩法庶不媿風紀之任不忝耳目  
之官朕將登簡而擢用之倘或稔過怙終不  
知修改豈獨敗爾之官亦將戕爾之身悔之  
何及都察院仍行南京都察院曉諭南京各  
道御史一體遵奉施行所有切要事宜開具  
于後

一見在各處巡按御史朕欲選人前去通行  
更換但其間賢否不一月日久近不同無  
所旌別人無激勸爾張孚敬即將見在各

處巡按官員細加訪察驗其所行事蹟稽  
其奏呈文案若有粗疎不堪行事乖方清  
議有干者量為奏請差官更換數員回京  
別用其行事無失及毀譽實跡未著者各  
存留任事

一考選御史照依憲綱不用新進初仕之人  
近例止於行人博士推官知縣國子監官  
學官內取用但恐闕多人少所以各處推  
官知縣甫及三年之期即得行取貪婪不



職者亦或濫廁其間今後除前項官內著  
吏部會同都察院查照 祖宗朝有行舊  
例將兩京主事寺副評事等官訪有素行  
端謹器識老成者與行人博士推官知縣  
等官一體考選除用其推官知縣不必拘  
定進士出身舉人教官出身有學行政績  
者亦量為甄拔進士出身物議有干才力  
未稱者量除別官不得槩授憲職然考選  
全在吏部都察院務要訪察公明倘或少

存私意舉用非人併為失職責有所歸

一御史試職一年正欲其明習律令歷練事  
體舊例考得刑名疏通方准實授否則令  
其重試近年試御史一得入道即便倚勢  
作威其於刑名律例全不經心一年既滿  
堂上官惟務姑息一槩俱與實授及出巡  
按多有律意不通事體不知每為二司等  
官所笑見今在道試御史一年將滿爾張  
孚敬嚴加考試務要通曉刑名及章奏行



移稍有條理者方許實授若生疎未練仍令重試半年甚則一年庶使人知所警

一先年點差巡按必量其才力有餘者差去事繁大省次則事簡小省若才力不及者不差巡按近年止照年月次序差遣不取越過一人今各處巡按見闕者爾張孚敬勿拘次序斟酌地方繁簡量其才力差用才力不及者不許點差巡按留備小差待其歷練有進一體差遣以後都察院俱照

此例施行

一正統六年

英宗皇帝詔中外風憲係綱

領之司須慎選識量端弘才行老成者任之其有不諳大體用心酷刻者並從都察院堂上官考察降黜成化七年 憲宗皇帝欽准事例巡按公差御史回京之日本院堂上官仍依舊例查勘考察保結稱職者具奏照舊管事若有不稱奏請黜罷近年此例雖存不聞効罷一人蓋因堂上官



不能振揚風紀反為屬官所制避讒遠怨  
以致人怠弛今後巡按滿日務要嚴加訪  
察果無贓私過犯推奸避事等項實跡取  
具該道結勘明白方許回道管事若有不  
職事跡不許朦朧具奏照例奏請黜罷

嘉靖六年八月二十六日

皇帝勅諭少師兼太子太師吏部尚書華蓋殿  
大學士楊一清少傅兼太子太傅吏部尚書  
謹身殿大學士張孚敬少保兼太子太傅吏

部尚書武英殿大學士桂萼禮部尚書兼文  
淵閣大學士翟鑾

朕恭承 天命入繼 祖宗大統君臨天下  
凡致治保邦之道遠稽古典近守 祖宗成  
法夙夜祇慎罔敢違越仰惟我 皇伯考孝  
宗皇帝命儒臣纂修 大明會典一書我  
聖祖 神宗累朝以來創業垂統守成致治凡  
官職制度事物名數儀文等級宏綱衆目本  
未備書因時修改損益具載大要以



祖宗舊制為主節年事例附書于後我

皇兄武宗皇帝又命儒臣再加參校重進然後刊印頒行朕萬幾之暇時展閱或因裁決政務檢尋事始每見其間紀載失真文辭抵牾者比比有之朕惟此一代通典百司之所遵行後世以之為據豈宜有此錯誤彼時纂修者既失於精詳總裁者又不能訂正均難辭責然亦因舉行稍遲先朝之事故老凋喪案卷磨滅典籍無考致有前失及今修改

猶或可及不然歲復一歲愈遠愈忘終難考訂且自弘治十五年纂修之後至今二十有八年典禮之因革事例之增損又復煩多恐數十年之後卷冊浩穰條貫繁瑣失真之弊又或如前已納卿等之言先令六部都察院通政使司大理寺等衙門各委屬官將所載各司事例再行檢查校勘若有差錯備細貼註明白送史館改正仍將弘治十五年以後至嘉靖七年續定事例照例查出纂集校勘



傳當寫成上進續修附入今聞纂集將完特命卿等擇日開館仍催促各該衙責限完進卿等分俵各館命官纂修其體例一遵舊典不必立異更張但要正其差訛補其脫漏其修書後二十八年之事務要悉心考究凡損益同異具事繫年條分類列通前粹為一書以成一代完典使天下臣民知所趨向同歸皇極卿等其督率各官各供乃職勤乃事所貴文質得中事理兼備失之前者得正之於

後行諸後者可質之於今斯副朕法

祖圖治之意毋或承訛就簡以蹈前愆又或玩時愒日以招後議皆非朕所望焉其總裁副總裁纂修等官職名并合行事宜陸續開具來聞爾等欽哉欽哉故諭

嘉靖八年四月初六日

皇帝勅諭督工等官

茲者本月十三日建造 園丘 方丘并朝日夕月二壇于四郊事體 尊重工程浩



大非他常舉事可比特命卿太保兼太子太傅武定侯郭勛宣城伯衛鐔少傅兼太子太傅吏部尚書謹身殿大學士張孚敬知建造事總督工程禮部尚書李時同知建造事督視規制工部左侍郎蔣瑤提督工程都察院右都御史汪鋹吏科都給事中夏言監視巡察工程衛鐔兼管領官軍卿勛卿孚敬等務必體朕法 祖欽 天之意竭誠以贊必俾規制如式精嚴固實必次序循其急緩人力不

致疲勞加之節恤軫其疾苦隨宜以區處之以稱朕誠勿得怠惰不恭視為恒事不惟有負朕敬事 天地 父母之誠亦恐不免於幽罰矣卿等其慎之欽哉故諭

嘉靖九年五月十三日

皇帝勅諭纂修等官

朕惟祭祀國之大事矧今 郊祀已遵復我皇祖初制其中事宜不可無記無以垂之將來今大工告竣 祀期在邇茲先降勅特命知



建造事總督工程官卿勛同知建造事督視  
規制官卿時監視巡察工程官卿鉉為監修  
官知建造事總督工程官卿孚敬為總裁官  
內閣輔臣大學士卿萼卿鑾為副總裁官首  
倡正議監視巡察工程官吏科都給事中夏  
言陞翰林院侍讀學士仍兼吏科都給事中  
不妨照舊掌科事及中允廖道南編修張袞  
徐階程文德為纂修官卿勛卿孚敬等宜各  
殫忠盡精思力究遵照朕諭卿孚敬凡例條

目纂輯成書名曰 祀儀成典務要明白正  
大以稱朕法 祖敬 天禮神至意于以為  
萬世法程守而勿替者斯為卿等竭忠致力  
之道凡勅中未載應行并朕前諭卿孚敬條  
目逐一開具奏請區處卿等其欽哉欽哉如  
勅奉行

嘉靖九年十月十五日

勅諭內閣送張元輔

朕惟朝儀重地華夷畢會之所我



皇祖時內閣錦衣衛官侍立于座之東西蓋在  
陛上也此可遵復

嘉靖九年十一月初一日

勅知建造事總督工程等官

皇帝勅諭太保兼太子太傅武定侯郭勛宣城  
伯衛鏞內閣輔臣張孚敬尚書李時汪鋹蔣  
瑤少詹事夏言比命卿等督造 南郊等四  
郊工務今續建 神祇二壇事務亦重特申  
命卿等總督建造科道官俱如例監巡卿等

其用心總理以副朕敬 天禮神之意故勅

嘉靖十年五月初四日

皇太后誥諭

章聖慈仁皇太后誥諭內閣張輔臣吾昔承先  
人之慶獲入皇家上侍

恭睿獻皇帝誕今 皇帝以倫序奉

天命入承 大統致吾有今日之尊崇吾甚愧  
懼以吾言之 皇帝奉養之誠推尊之孝已  
盡斯必賴老成賢碩而贊之也吾聞為君者



難一毫末不盡是為弗宜今吾位號已隆矣  
公者俊忠敏尚賴盡心以匡吾子為治

皇帝冲年凡所舉動公當悉引之於道庶幾  
克成其德業以為我 獻皇帝光茲念公贊  
成大禮勤勞乃事以白金彩繒少盡酬勞之  
意并以誥諭公其思所副云故諭

嘉靖七年七月十三日

孫四川龍安府知府臣張汝紀謹輯

光祿寺珍羞署署丞臣張汝經謹閱

吳郡王世貞

皇明異典述曰我朝

列聖賜大臣勅皆黃版紙墨龍邊文俱內閣  
中書官寫惟

世宗賜張文忠勅紙之黃白極其光厚面畫  
金龍背洒金片文皆

宸翰間有代筆後月日必親書詞旨殿眷製  
度精工誠無前殊典希世奇珍也貞領  
太僕造文忠賜第會其孫汝紀得請快



觀

萬曆三十七年秋七月吉日謹梓

終

御製詩賦錄目錄

恭和附

聽講大學衍義賦翊學詩

恭和

賜輔臣張少保除夕五言律

恭和

春饗 宗廟回見輔臣張少保以陪祀出

侍道傍有作

恭和二首

輔臣張少保分獻

大明壇

恭和

遣張少保祀

先師

恭和

荅張少傅報敬一亭成二章

恭進一首  
恭和二首

思企顏曾十六字箴書賜張少傅

恭和



賜元輔張羅山詩三章 恭謝

蜡樂詩賜張元輔 恭和

同元輔享敬宗伯時西苑視穀祇先蠶壇

位賦 恭和二首

癸巳歲孟夏中旬三日演新乘馬至禁郊

之環碧殿同張李方翟四輔遊吟二章

恭和二首

夏日與張元輔輩同遊三章 恭和三首

書敬一二字有作送張元輔和之 恭和二首

病起絕句一首送羅山元輔看之 恭和二首

同張元輔五臣恭視祀天器記記樂同

述 奉制恭進記樂賦

大報歌 恭和二首



御製詩賦錄目錄終

御製詩賦錄

恭和附

少師兼太子太師吏部尚書華蓋殿學士直張學敏謹錄

諭輔臣張尚書

聽講大學衍義乃賦翊學詩卿時雖未入內閣已在講官之列可和一章錄來併集

帝王所圖治務學當為先下作民之主上乃承乎天致治貴有本本端化自平人君所學者其序有後前正心誠其意志定必不遷吾志既能定理道豈復顛身修本心正家國



治同然國治廼昭明萬邦斯協焉於變帝堯  
典思齊文王篇萬化修身始朕念方拳拳

嘉靖六年丁亥孟冬十日

帝王治有道修身宜所先於  
皇聖天縱受命真自

臣張孚敬謹恭和  
愛此王道平經筵講大學治法三代  
前室登乾乾自不其顛擴之保四海泉達火  
始然乃知心無外萬善咸足焉卓哉  
真德秀義能行斯篇微臣忝  
服同拳拳  
嘉靖六年十月初十日

賜輔臣張少保除夕五言律一章

三冬寒已去九陽春又來辭殘省往過逐歲  
善增培伊傅真耆碩輔弼信英才專賴交修  
道承之尚欽哉

嘉靖七年春正月四日

臣張孚敬謹恭和  
寒隨歲月盡春從天地來七年底

嘉靖萬物荷裁培喜見  
唐虞主漸非稷契才賡歌  
今日始庶事益康哉  
嘉靖七年正月四日

諭張少保

朕於初六日躬饗



祖親二廟禮畢還宮登輦回顧見卿道南侍立數日未忘因而述成短句特錄以賜卿庶以見朕意焉卿其承之

春饗宗廟回見輔臣張少保以陪祀出侍立道傍有作并序

戊子新正吉春饗祖廟親祀禮忻已成肅駕回宮宸登輦偶回顧輿南一輔臣貌奇真才傑形端志氣伸外焉秉貞一內則抱忠純誠正輔吾躬清白飭乃身予喜荷

天眷賚賢作邦珍庶幾臯夔輩望以康斯民

嘉靖七年正月初十日

臣張孚敬謹恭和尊祖兼

親親承祀擬同日龍旂出

皇匪建極正論胡由伸乖違陋光武奏對羞張

堯舜主康濟唐虞民

聖作萬物觀莫不知尊親有官入秘閣無日離

君擇臣嚴宸忻臣遇君恐恐原自伸用賢豈惟

急所貴心能純從茲得聯屬永終成乃



天上人只是山中民

嘉靖七年正月十一日

輔臣張少保分獻 大明壇

戊子春正吉郊祀禮祇行陪神日為首陽宗

曰大明良輔承獻奠少保捧香羹神鑒昭有

格為喜不勝情

嘉靖戊子春正之吉

臣張孚敬謹恭和

郊壇東祭 日趨數躡丹梯已見星辰近應知海嶽低穆穆

一人在 萬壽禮 徹欲聞雞 嘉靖七年正月望日

遣張少保祀 先師

聖祖垂典則仲春祭宣王茲予纘大服稽首罔

敢忘傳制命輔臣歆饗鑒忠良堪歎老松柏

空蔭我師堂

嘉靖七年二月丁日

臣張孚敬謹恭和

皇帝修 遣命承 誠報 素王一 朝同禮樂萬古挈綱

常崇祀 嘉靖七年二月丁日

敬一亭成會儒臣落成於翰林院詩



堯章道

熒熒亭石煥  
統真傳失漢唐燕笑於今同禮樂甄陶  
自古在綱常三孤俎豆開瀛島八座衣  
冠集史堂天作君師難際遇同聲

萬壽祝

吾皇  
嘉靖七年九月初十日

答張少傅報敬一亭成

亭石森嚴立史堂欲從此處建經常身修本  
自心先正國治原無學有臧敬矣誠哉須警  
勵純乎一也勿乖張忠賢同心匡爾辟邦真  
民安為祖光  
前章意未盡續作

建亭名敬一地維白玉堂純疵須力審誠怠  
必精詳欲存終始念翻恐私欲妨賴爾希說  
臣副我朝夕望羹調必鹽梅作聖須臣良爾  
其交修予庶幾免愆忘

嘉靖七年九月十三日

臣張孚敬謹恭和  
落成清燕集秋堂  
昭揭三綱與五常二典  
帝歌廣復載萬方嵩祝壽而臧  
嘉靖治具遑遑望畢張  
海隅是處覲天光  
王猷奕奕登

又  
大道塞蹊徑



聖主開門堂五箴貫敬一因畧以致詳未獲一  
元首明夫願那當萬夫望幸遇  
嘉靖七年九月十四日  
石鑽仰何日忘

思企顏曾十六字箴書賜張少傅

卓爾之見 一貫之唯

希聖君子 勗哉勿偽

嘉靖七年九月二十六日

臣張孚敬謹恭和  
惟顏能喟  
惟曾能唯  
惟誠神幾  
能別真偽  
嘉靖七年九月二十六日

賜元輔張羅山詩三章

秋日即事

淒露涼風序已遷老農獲稼喜盈田待到倉  
箱封溢後漁人樵叟共歡連  
歲在庚寅七月二十九述

秋日書懷

肅肅西風報素秋訓將操戈慎圉郵士餉充  
足鏃騎壯怡然方可緩吾憂  
九載七月終旬九日著

秋日偶成



拂暑金風動袞裳滿天商吹送新涼農家萬  
寶收成後十里遙聞禾黍香

孟秋念九述

嘉靖九年十月二十三日

聖恩賜臣張孚敬謹題謝伏蒙  
天章煥發宸翰輝煌謹當  
珍藏以為傳家之寶臣無任感戴之至謹具  
題謝恩

嘉靖九年十月二十三日

蜡樂詩賜張元輔

蜡樂當今日金門宴禮宣嘉平殷典著清祀

夏書傳勞農休田叟浴蠶動室娟將迎新歲  
至為忻萬物鮮

嘉靖九年十二月初八日

臣張孚敬謹恭和  
蜡日朝鐘響

皇恩已上宣天休民物共  
奎翰子孫傳自誓丹心在從添白髮娟先嘗還  
阻病正席對珍鮮  
嘉靖九年十二月初八日

同元輔孚敬宗伯時西苑視穀祇先蠶壇位  
賦

朕惟王業兮農桑為先我欲務本兮志未克



前乃此苑中隙地兮是為 文祖之宮原即  
於其內以事耕織兮聊以示無逸而不敢怠  
愆同元輔以暨秩宗兮謀惟吉全當陽春而  
仁風播和暢兮草木芊芊以計以游兮于樂  
康年仰遵我 聖訓而同游兮惟賴忠良以  
夾持為額庶俾朕敬承乎 皇天

歲在辛卯季春四日

臣張孚敬謹恭和

皇克勤克倫兮為天下先隆太平之德業兮裕  
後光前重農桑以教民兮曰惟衣食之

原苑無隙地兮率祖德而罔愆臣  
荷宣召以從邁兮恩禮曲全陟卷  
阿兮積翠龍芊歌大田兮祈有年  
悅兮愧對揚之不能顛蕩蕩難名兮  
天顏和 聖同天

嗟耕織之艱難兮有開必先肇  
於故墟兮蠶室後而土穀前  
躬巡省於種植兮沃土平原念小人之依兮  
帝德罔愆安不忘危兮計在萬全願邊塵不動  
兮塞草芊芊戒苞桑兮嘉靖萬年禮樂  
征伐兮惟 天子顓子子孫孫兮永

命祈天

嘉靖十年三月初四日

癸巳歲孟夏中旬三日演新乘馬至禁郊之  
環碧殿同張李方翟四輔游吟



朱夏纔入四月中乘閒試馬出深宮惟茲七  
馬壯且雄登霄未可擬跳澗或崢嶸爰因演  
步至環碧命諸左右來輔弼同遊同遊兮

祖訓昭贊襄贊襄兮須竭力朕非商高宗諸輔  
勿我棄早為霖兮美作梅啓心務期沃朕心  
俾令湯孫繼 祖烈庶幾政化維日新

七言律

幾暇餘清演駿駒閒來野步到行居既否盤  
遊忘禹訓亦非好武廢湯謨適因涼煖供觀

眺還是春秋奉 壽輿馳騎須教思往事表  
盜之忠豈我違

嘉靖十二年四月十三日

臣張亨敬謹恭和

萬乘試

四月十三日正中  
馬俄出官白馬翰如多俊雄過都越國

環碧有

未足論追風逐電真崢嶸微臣承呼到

明明

命同遊忝良弼戮力千古頌

聖訓兮

能愧厥心服膺

帝王居閒馳正發卷阿興傲戒能忘大禹謨喜

白馬由來渥水駒碧池環列



乘輿微臣惟有華封祝氣萬方開宇宙祥雲五色覆

清賞年年莫暫違嘉靖十二年四月十三日

夏日與張元輔輩同遊

晴日流光夏晝惟長同遊禁圃輔成良的咸良

字指諸輔說非賢字薰風解愠但願民康庶幾這

社稷安 慈壽永緒葉昌

七言絕

斗杓指巳四月中羣物長養正冲冲願得早

施三日雨今日禮部有祈雨旨故云免此貧農抱苦悰

五言絕

嫩麥三分秀時當四月終但得甘霖降欣然

慰老農

嘉靖十二年四月十六日

繼照臣張孚敬謹恭和一人萬國歌受命既長

願壽考福祿考俾熾俾昌元良飄風自南民物阜康臣

七言絕翠芬初憇此亭中和氣桑林

念未冲憂國豈無霖雨願小臣何以慰宸悰

五言絕二麥占初秀康年迄有終即看



龍起雨定足慰三農

嘉靖十二年四月十六日

書敬一二字有作送張元輔和之

摹臨一紙恐非真書再三篇未費神大哉虞

訓深吾契為教嗣是重臣鄰

嘉靖十二年四月二十日

臣張孚敬謹恭和

心畫由來見本真 御書敬一正怡  
神泥金未足論飛白 賦餘皓賜獨愧  
微臣忝近鄰

又

敢論摹臨迹未真揮毫實恐重勞神

宸哀不厭均書賜嘉靖十二年四月二十日 至德應教必有鄰

病起絕句一首送羅山元輔看之

初入陽春曉更寒為冒祥風致疾干纏綿未

已六旬過 老親懸淚盼平安

嘉靖十三年又二月之吉

臣張孚敬謹恭和

和風滿殿解春寒

聖母慰平安

又

敢干已受百官稱

君臣一體本相干焚香每効華封祝不比尋常

安

嘉靖十三年又二月十三日



同張元輔五臣恭視祀 天祭器記樂同述

甲午蕤賓仲夏終 是歲五月之 儀物欽

天禮用崇五臣左右偕瞻視一德君鄰共正忠

是日同助享敬時 官扁重華思虞帝 視器於

器匏蒼色象玄穹 器色蒼以 居敬頓忘酷暑

時神怡自送滌炎風 先一日已

嘉靖十三祀季夏朔旦製

制記樂賦 臣張孚敬謹奉

龍德正 洗炎暑兮涼雨自天 欣兮草芊芊

翠華 玉輅兮爽氣新鮮 伴真優游兮南城

德音傳宣 登翔鳳之樓兮安便萬民仰

聖相告兮舉欣欣然 重華殿前南風解愠兮虞

命入見而稽拜兮 絃縹緲滿異香兮爐煙

命同視祭器兮敬愛拳拳 諭錫之扇以全痊兮

皇祖之詩篇 皇堯仁溥博淵泉兮其天錫賡

惟無能兮日加勉旃 純心用賢愧輔弼

天保我 嘉靖十三年六月初一日

諭張元輔

建會長 寺民錄



朕肅懷 大報作此數字以見意耳不顧是  
否乃與卿一看卿等各盡所以贊佐戒進之  
辭以和來

歲次甲午兮陽月之八日新冬肅羣臣而朝

趨 泰壇兮欽 大報之叩 蒼穹朕以微

薄菲質兮荷 洪眷下及而主兆庶媿綿才

愚資兮懼無以上副 恩隆思欲康此民以

圖報稱兮慙無學以出其治源爰肇復

泰禋兮茲當四舉愚衷匪直慎始兮思惟厥終

諮左右丞弼兮其盡啓沃以匡佐期世道躋  
于熙皞兮庶或仰承乎 眷崇

嘉靖十三年十一月初七日

大報復 臣張孚敬謹恭和 皇終日乾兮

昭格 皇錫福厥民兮天視聽兮惟民視

天德好生兮 皇法 天以出治

大報屆期而緩刑兮實由 聖衷

訓愚臣贊佐戒進兮思克有終顧啓沃之無能

恩崇 又 皇積誠靜攝兮思 皇躬亦孔之固兮保佑咸戴乎



玄穹初夜之烈風兮有懷方切  
大輅行而陽和應時以臻兮  
錫嘏彌隆斯禮復古凡五舉兮  
祀事孔隆猶云四舉必躬

皇至誠不必親兮若有歟于宸衷我  
恩深重兮實難報稱願我皇帝為  
天地神人之主兮子孫千億

嘉靖十三年十一月初七日

萬壽尊崇

孫 四川龍安府知府臣張汝紀謹輯

光祿寺珍羞署署丞臣張汝經謹閱





